



Vertrag zwischen Chur-Pfalz und Gra- fen zu Salckenstein/von Anno 1538.

Comitatus vid. Imhoff. N. d. Nov. 26. 0. 1538.

*Johnes. 2. 11.
pag. 52. 1. 11.
1494. 2. m.
de Salckenstein
ar. am. f. 1. 1.
An. 1. 1. 1. 1.
m. 1. 1.*

Bewissen; Nach dem zwischen dem
Durchleuchtigsten Hochgebohrnen Fürsten vnd
Herrn / Herrn Ludwigen Pfalz-Grafen bey
Rhein / Herzogen in Bāyern / des heiligen
Römischen Reichs Erzh-Truchsessen vnd Chur-
Fürsten. Eines / vnnnd dem Wohlgebohrnen
Wyrichen von Rhun / Grafen zu Salckenstein vnd Lymburg/
Herrn zu Oberstein vnd Bruch/.c. Andern theils/meinen gnä-
digst-vnd gnädigen Herren / sich allerhand Irrungen vnnnd
Spän / wie dieselben hernach benannt werden/ eines theils vor
langen Jahren her erhalten / vnd eines theils in kurzem zuges-
tragen/darunter dann hievor zu etlichen gehaltenen Tagen / vie-
lerley gütlicher Handlungen gepflogen / aber zu keiner endlichen
hinlegung gebracht werden mögen; Daz Ihre Chur-Fürstl.
Gnaden vnd Gn. sich iekund zu fernerer Handlung wieder-
umb eines gütlichen Tages/allhero gen Heydelberg veralichen.
Darauff Hochgenantes meines gnädigsten Herrn Pfalz-Grafen
vnd Chur-Fürsten / Burggrafe Durckhard von Weiler /sambe
andern Vnter-Amptleuthen zu Alzey vnd Zugeordneten / vnd daz
Graff Wyrich eigener Persohn / für der Pfalz Hoffmeister/
Marschalck vnd andern Verordneten Rāhten erschienen / auff
jüngstem Abschied die vor inbrachte Klagen erwiedert; Vnd als
von beyden theilen nothfürfftiger Bericht vnd Gegenbericht ver-
hört /



Vertrag zwischen Chur-Pfalz vnd Gra- fen zu Salckenstein/von Anno 1538.

Im Comitat vnd im Hoff. Rth. der. Ch. u. c. q. 3.

*Salckenst. 1538.
pag. 52. 1. 1. 1.
1. 1. 1. 1. 1. 1.
1. 1. 1. 1. 1. 1.
1. 1. 1. 1. 1. 1.
1. 1. 1. 1. 1. 1.
1. 1. 1. 1. 1. 1.*

Bewissen; Nach dem zwischen dem
Durchleuchtigsten Hochgebohrnen Fürsten vnd
Herrn / Herrn Ludwigen Pfalz-Grafen bey
Rhein / Herzogen in Bähern / des heiligen
Römischen Reichs Erzh-Truchsessen vnd Chur-
Fürsten. Einem / vnnnd dem Wohlgebohrnen
Wyrichen von Rhun / Grafen zu Salckenstein vnd Lymburg/
Herrn zu Oberstein vnd Bruch / 2c. Andern theils / meinen gnä-
digst vnd gnädigen Herren / sich allerhand Irrungen vnnnd
Spän / wie dieselben hernach benannt werden / eines theils vor
langen Jahren her erhalten / vnd eines theils in kurzem zuge-
tragen / darunter dann hievor zu etlichen gehaltenen Tagen / vies
lerley gütlicher Handlungen gepflogen / aber zu keiner endlichen
hinlegung gebracht werden mögen; Daz Ihre Chur-Fürstl.
Gnaden vnd Gn. sich jekund zu fernerer Handlung wieder-
umb eines gütlichen Tages / allhero gen Heydelberg verglichen.
Darauff Hochgenantes meines gnädigsten Herrn Pfalz-Grafen
vnd Chur-Fürsten / Burggrafe Durckhard von Weiler / sambe
andern Vnter-Amptleuthen zu Alshen vnd Zugeordneten / vnd dan
Graff Wyrich eigener Persohn / für der Pfalz Hoffmeister /
Marschalck vnd andern Verordneten Rächten erschienen / auff
jüngstem Abschied die vor inbrachte Klagen erwiedert; Vnd als
von beyden theilen nothdürfftiger Bericht vnd Gegenbericht ver-
hört /



Vertrag zwischen Chur-Pfalz und Gra- fen zu Salckenstein/von Anno 1538.

de Comitibus vid. Imhoff. Hist. Sac. 2. 6. cap. 3.

Johnes. 2. 11. 1.
pag. 52. Hist.
1699. Im.
de Salckenstein
aciam fuda-
Antiquas pub-
m. 11. 1.

Bewissen; Nach dem zwischen dem
Durchleuchtigsten Hochgebohrnen Fürsten vnd
Herrn / Herrn Ludwigen Pfalz-Grafen bey
Rhein / Herzogen in Bäumen / des heiligen
Römischen Reichs Erzh-Truchsessen vnd Chur-
Fürsten. c. Eines / vnnnd dem Wohlgebohrnen
Wyrichen von Rhun / Grafen zu Salckenstein vnd Lymburg/
Herrn zu Oberstein vnd Bruch / c. Andern theils / meinen gnä-
digst vnd gnädigen Herren / sich allerhand Irrungen vnnnd
Spän / wie dieselben hernach benannt werden / eines theils vor
langen Jahren her erhalten / vnd eines theils in kurzem zuge-
tragen / darunter dann hievor zu etlichen gehaltenen Tagen / vies
terley gütlicher Handlungen gepflogen / aber zu keiner endlichen
hinlegung gebracht werden mögen; Daz Ihre Chur-Fürstl.
Gnaden vnd Gn. sich jekund zu fernerer Handlung wieder-
umb eines gütlichen Tages / allhero gen Heydelberg verglichen.
Darauff Hochgenantes meines gnädigsten Herrn Pfalz-Grafen
vnd Chur-Fürsten / Burggrafe Durckhard von Weiler / sambt
andern Unter-Amptleuthen zu Alzey vnd Zugeordneten / vnd dan
Graff Wyrich eigener Persohn / für der Pfalz Hoffmeister/
Marschalck vnd andern Verordneten Rächten erschienen / auff
jüngstem Abschied die vor inbrachte Klagen erwiedert; Vnd als
von beyden theilen nothdürfftiger Bericht vnd Gegenbericht ver-
hört /

hört / verlesen vnd empfangen worden / haben gedachte Chur-
Fürstliche Hoffmeister / Marschalek vnnnd Käthe / gehabtem
Befelch nach / vnd wie sie das von Ihnen selbst / zu pflanzung
gnädigst : vnd Nachbarlichen Willens / vnterthäniglichen ge-
neigt gewesen / allen möglichen fleiß / die Sachen in der Güte
beyzulegen / fürgerendet / vnnnd zu lest / nach vieler gäubter
trewer Vnterhandlung / solche Irrungen vnd Gebrechen / mit
gnädigstem vnd gnädigem zulassen / glücklich vertragen vnnnd
abgeredt / wie folget.

Pfalz. Ersilichen / betreffend der Pfalz Fauth oder Knecht zu
sche Leib- Sultzen vnd in andern Falckensteinischen Dörffern / darinn
eigene zu Ihre Chur-Fürstl. Gnaden 2c. Leibeigene Leuth sitzen haben /
Sultzen so der Herrschafft von Falckenstein an Ihren Obriigkeiten / als
vnd an in Gebotten vnd Verbotten ver hinderung thun / zu dem sich der-
ckenstei- selbige Fauth oder Knecht auch eines Gewalts vnternommen /
nischen daß Er die straffbahren mit freventlichem Gewalt hinger-
Stecten. schleiffe haben soll ; Vnd aber dasselbig von dem Burekgrafen
vnd vnder Amptleuten zu Alzey / dermassen geübet / nicht ge-
ständig gewesen / sondern / was von Pfalz wegen gehandelt /
wehre also herkommen. Da ist vmb Fried- lebens willen zwis-
schen Ihren Chur-Fürstl. Gnaden / vnd Gnaden be thädin get /
daß Pfalz solchen Fauth oder Knecht hinfüro / wie bißhero / zu
Sultzen vnd andern enden / da Ihre Chur-Fürstl. Gnaden
eigene Leuth haben / behalten / derselbig Fauth oder Knecht
NB. auch gegen solche Pfaltz-gräffliche Leibeigene Leuthe nicht
weiter / dann vmb Frohn vnd Reisen / mit Pfändung zu straffen /
macht haben soll ; Aber vmb der Pfaltz zugehörige Leibbeth /
Schatz- Haupt-Recht / Schatzung vnd anderer dergleichen Dienst-
ung. bahrkeit der Leibeigenschafft anhängig / wie die von Alter her-
bracht / darzu so in thädin gen / Abreden / Verträgen / oder an-
dern Rathe oder Oberwert gesetzt / vnd die übertreten wurden /
soll

soll der Pfaltzgräfliche Fauth oder Knecht/ die durch ein Fauth/
Schultheissen oder Büttel / den die Herrschafft Falckenstein
daselbst zu Sulzen oder andern Seiner Gnaden zugehörigen
enden jederzeit haben / dieselbigen einbringen / und so Ihme
die in fünf oder sechs Tagen nicht gefolgt werden / alsdann
für sich selbst macht haben / die Verbrecher vnd Ungehorsams-
men darumb / wie von alters herkommen zu pfänden: vnd so
ein Pfaltzgräflicher Leibeigen gepfändt/ der nicht auff pfand
geben oder sonst ungehorsam erschiene / daß wohlgemelter
Graff von Falckenstein / auff der Pfaltz Fauths oder Knechts
ansuchen / solchen Leibeigenen nicht mit geldt/ sondern / so es
die Nothdurfft erfordert/im Thurn straffen / doch der Pfaltz
Amptleuth sonst mit der Herrschafft Falckenstein hinderlassen
nichts zu schaffen haben/ noch sie die Herrschafft Falckenstein
an Ihren Obrikeiten/ Herrlichkeiten / gebürlichen Gebotten/
Verbotten oder Satzungen / der endts betrüben noch ver-
hindern sollen / gar keines wegs.

Zum andern/ als vergangener zeit die Statt Wormbs
in der Acht gewest / der Herrschafft Falckenstein / über Ihrer
Gnaden annehmen / zwey Fuder Weins zu Sulzen/ durch et-
liche Pfaltzgräfliche Verwandten abgetrunken worden / vnd
zu ihren Händen bracht seyn sollen / des man doch kein wissens
oder gründliches anzigt thun mögen / ist geredt; Nach dem
solcher Wein / als der zeit von offnen publicirten achtern ge-
nommen/ daß mein Gnädiger Herr von Falckenstein also dar-
bey beruhen; Wo aber Ihr Gnaden dieselben / so ermelten
Wein genommen haben / forderung je nicht erlassen / sollen
sie sein Gn. von vnserm Gnädigsten Herrn Pfaltz Graffen zu
gebürlichem ordentlichen Rechten angehalten werden.

Zum dritten/ belangend die Kosten/ so in den Appel-
lationen Sachen auffgehen vnd zu bezahlen verbürgt werden/

I.
Zwey
Fuder
Wein so
Falcken-
steinisch/
zu Sul-
zen in der
acht ge-
nommen.

III.
Appella-
tion. Ro.
wel-
sten.

welche den Pfalzgräfischen angehörigen zu reichen/ in ansehen/
es ein grosser Kosten gewest/ verboten worden seyn solle; ist
jetzt mit meinem gnädigen Herrn von Falckenstein geredt/ Nach
dem sein Gnaden anzeigen lassen/ daß derselbig Kosten zahlt
vnd vergnügt worden/ darumb dieser Articul nunmehr seinen
weg erreicht/ daß dannoch seine Gnade hinfürter denselben
Kosten zimlicher/ milder/ vnd nicht dermassen überschwenckli-
chen zusehen/ insehens thun solle.

I V. Zum vierdten/ als wohlgedachter Graff Weyrich von
Frohn auff den Leibeigenen/ in seiner Herrschafft gessen/ vnd herwieder die
Leibeige- seinen hinder der Pfalz gessen/ Seinen Gnaden zu frohnen/
nen. vnd dergleichen Dienstabrkeit zu thun/mit gewalt abgetrunken/
vnd nicht gestattet werden wolte/ über das seiner Gnaden Vor-

NB. Eltern vnnnd Sie dasselb Frohnen löblich herbracht hetten/
welches aber vom Pfalzgräfischen Ampt vnd Armen-Leuthen
dermassen nicht gestanden/ vnd den gebrauch/ wie es je vnd
je herkommen/ vnd daß es nicht angeregter massen geübt seyn
solle/angezeigt; Darauff ist gemittelt vnd vor gut angesehen/
daß/ wo die Herrschafft von Falckenstein solche Frohn von den
eigen Leuthen/die weren gleich gessen wo sie wolten/herbracht vnd
die geruhiglichen gebraucht hetten/ daß dann meinem gnädigen
Herrn von Falckenstein solch Frohn vnd Dienstabrkeit/ von
der Pfalz Ampt-Leuthen nicht verhindert werden sollen.

V. Zum fünfften/ beruhrent die Belegung/auch Sakung der
Räiß der Unterthanen zu Hildesheim/ des Aufzugs/ auch fürgenommener
Under- Straff halben/mein gnädiger Herr von Falckenstein/ gegen den-
thanen zu selben zu haben gefast; hierauff ist/ in erwegung welcher hand vhr-
Hildes- sachen solches beschehen/ diese meinung fürgeschlagen/ daß des
heim. Grafen fürgefaster Bnwill vnd Straff jekund gefallen/vnd ob
sich künfftiglich begeben Seine Gnaden sie/wie vor/zu reisen/wie-

der

der ersuchen / daß dann dieselbige Unterthanen / Ihre Gnaden /
wie sich gebührt / vnd was Sie herbracht / nicht zu wieder ge-
halten werden; Obgemelten zweyen Puncten / Frohn vund
Reysen betreffend / ist ferner weiterung / vnd künfftig gezänck
zu verhüten / angehenckt vnd beredt / daß durch beyderseits
Ampt-Leuth derohalben ferrer Tag gen Alzey sürgenommen/
derselb Hochvnd Wohlgenanten Chur-Fürsten vnd Grafen/
Ihrer Gnaden Verordneten/ ob sie wollen/ auch darauff zuschis-
cken/ desgleichen bemelten Unterthanen darzu verkündt werden/
derselben gestalt vnd Herkommen zu verhören / vnd in der güt-
ligkeit mit wissen darunter zu handeln / auff zimliche Mittel
vnd Weg zu vertragen / oder / wo das nicht folgen wolte / sich
eines Auftrags zu vereinen.

Zum sechsten / belangend die Huldigung zu Wohns-
heim/ welches Dorff der Herrschafft Falckenstein mit der D-
brigkeit zum vierten theil zuständig / vnd dieselbe Huldigung
nach antheil von Seiner Gnaden begehrt worden / das sie aber
geweigert; da ist auff vnterhandlung also verlassen / daß Schul-
theis/ Gericht vnd ganze Gemeind bemeltes Dorffs / des
halben meinem gnädigen Herrn von Falckenstein / zu Seiner
Gnaden antheil/ auch huldigung vnd Pflicht thun sollen; Vnd
nach dem sich verschiener zeit bemeltes Orths auch ein Frevel
begeben / der allein durch Pfalzgrävische Ampt-Leuth / in an-
sehen / daß der allein gegen der Pfalz verwärckt seyn solle /
verthädingt worden; auff solches ist abgredt / daß meinem
gnädigen Herrn von Falckenstein/ seiner Gnaden gebührender
theil gefolgt werden solle.

Zum Siebenden / als von Falckenstein Klagweiß an-
gezogen / nemlich die Wild-Jäng vnd Bastart-Jäll / die dan
Pfals / in krafft Ihrer Chur-Fürstl. hohen Obrigkeit / vund
insonderheit des Vicariats halben / für andern Fürsten vnd
Herren stecken.

Herren zu haben vnd nehmen herbracht / vnd aber mein gnädiger Herz von Falckenstein sich dessen in seiner Gnaden zugehörigen Dörffern / auß dagegen fürgewandten vhrsachen / folgen zu lassen beschwerdt : Darauff ist bey meinem gnädigsten Herrn dem Chur-Fürsten / dieweil Ihr Chur-Fürstl. Gnaden meinem gnädigen Herrn von Falckenstein mit gnaden wohl geneigt / dieses mittel gefolgt; daß alle Wildfang auch Bastartfälle / was deren in des Grafen von Falckenstein eigen Dörffern jenseit des Gebirgs oder Walds / gefunden vnd sich begeben / seinen Gnaden hinfürter im Nahmen vnnnd an statt der Pfaltz / auß gnaden vnd sonderlicher bewilligung zustehen / aber was deren her disseit des Gebirgs oder Walds in den Falckensteinischen Dörffern sitzen vnd sich zutragen / dieselben Wildfang vnd Bastartfälle / sollen der Pfaltz / wie Ihr dan solches / vermög Ihrer habenden Regalien vnd Freyheiten eigent /

NB.

gedeyen vnd gefolgt werden / außgenommen Brexenheim / da mein gnädigster Herz / dem Grafen / so viel Ihre Chur-Fürstl. Gnaden daselbst zu thun haben / solches auff sein vnterdienstliches bitten gnädigst nachgeben wollen.

VIII.

Hinrich-
tung Ge-
org Ba-
gners vō
Wonsf-
heim.
IX.
Jagen zu
Wonsf-
heim.

Ferner vnd zum achten hat mein gnädiger Herz von Falckenstein klagend fürbringen lassen / daß einer Velten Wagner genandt / zu Wonsfheim gegriffen / vnd zu Alzey gerichtet worden / ohne zuthun / wissen oder beyseyn seiner Gnaden Ampt-Leuth / welches als ein newerung Er abzuschaffen begehrt.

Vergleichen zum neundten / werd Seiner Gnaden das Jagen zu Wonsfheim vom Burckgrafen zu Alzey nicht gestattet / vnd beschhe seiner Gnaden darin vngedührlicher Intrag / mit bitt / seiner Gnaden zu Ihrer gebühr kein verhinderung entstehen zu lassen. Gegen beyden jetzt ermelten Puncten hat der Burckgraf zu bericht angezeigt / daß das Hals-Gericht vnd Jagen zu Wonsfheim der Pfaltz allein zustünde / were auch

auch also herbracht; darauff ist bey meinem gnädigen Herrn von Falckenstein so viel gehandelt/ daß Seine Gnaden gültlichen davon abgestanden / vnd Pfaltz solche beyde stück/ wie hiez vor/allein zustehen vnd bleiben sollen.

Zum zehenden / so vnderstehe jetziger Burckgraff/ X.
ohn beyseyn Falckensteinischer Ampt-Leuth/ Bussen vnd Frevel zu Wonsheim zu setzen; Bussen vnd Frevel
Dieweil aber Burckgraff das vnd Frevel
gegen angezeigt / daß solches nicht dermassen beschehen; Ist vel zu
abgeredt/ daß ermelte Frevel hinfürter/ wie von alters her/ Wonsheim.
durch Pfaltzgräfische vnd Falckensteinische Ampt-Leuth sampt-
lichen besetzt/ vnd wann es die Nothturfft erfordert/ dieselben
Frevel zu besetzen / beydersaits kein saumnuß oder verhin-
derung fürgenommen werden solle.

Zum Eylfften / Vnderziehe sich bemelter Burckgraff XI.
der Kirchen-Rechnungen zu Wonsheim einig/ mit bitt/ das Kirchen-
abzuschaffen. Wiewohl nun vom Burckgraffen bericht vnd Rech-
vhrsachen angezeigt/ daß solche Rechnungen zu hören/der Pfaltz nung zu
allein zustehen solten; Ist doch auff fleissige vnterhandlung Wonsheim.
gefolgt / daß hochgedachter mein gnädigster Herr Pfaltz-
graff Chur-Fürst / meinen gnädigen Herrn zu Falckenstein/
zum vierdten theil hinfürter zu solchen Rechnungen auch zuzu-
lassen gnädiglichen bewilligt.

Zum Zwölfften / vnterstehen sich die Pfaltzgräfischen XII.
Ambt-Leuth zu Dürmsstein / oder Alzey/ einen Wein- vnd Zoll zu
Frucht-Zoll im Falckensteinischen Engenthum / zu Nittes-
heim im Dorff zulegen / vnd über seiner Gnaden vielfältigen heim.
anhaltten / werd nichts desto minder damit fortgefahen / mit
bitt / diese newerung auch abzuschaffen. Auff das ist gemit-
telt / daß mein gnädiger Herr von Falckenstein/ dieweil es
Seiner Gnaden ohne sondere beschwerdt vnd nachtheil/ meinem
gnädig

gnädigsten Herrn dem Chur-Fürsten zu dienstlichem gefallen/ diese fürgenommene vnd gelegte Zollung im Dorff Nittesheim also bleiben / vnd Ihro Chur-Fürstl. Gnaden dagegen Seinen Gnaden / ein versiegelte vhrkund / daß es Seinen Gnaden/ vnd dero Herrschafft Falkenstein / an Ihren Ober- vnd Besrechtigten des Dhrts unabbrüchlich : vnd vnschädlichen seyn soll / zustellen lassen.

XIII. **Steinsagung in der Gutenbach.** Zum Dreyzehenden / die Irzungen einer Steinsagung in der Gutenbach / Falkensteinischer Obrigkeit / zwischen der Pfalz Verwandten zu Kriegsfeld vnd der Graffschafft zu Falkenstein / belangend / ist bethaidingt / daß beyde theil/ Pfalz vnd Falkenstein / neben Ihrer Gnaden Ampt-Leuthen / welche einen gelegenen Tag mit einander fürnehmen / vnd jeder seinem Herrn anzeigen / Ihrer Chur-Fürstl. Gnaden / vund Gnaden Räthe vund Befelehaber / in besizung des ermelten Irzigen plazes verordnen / einander der ding berichten / vnd zu gütlicher hinlegung mit fleiß handeln /. Wo es aber nicht vortragen werden möcht / alsdann ein gebührlichen vndergang durch Unpartheyische / wie man sich deren zu vergleichen hat/ thun lassen / dabey es also endlichen bleiben solle.

XIV. **Auf-tausch eines Leibes in Sulzen.** Zum Bierzehenden / Hans Heuchelheimern zu Sulzen betreffend / der/ als Er die Falkensteinische Leibeigene Fraw im Falkensteinischen Hoff zu Sulzen / zur Ehe haben sollen/ bey sein Ampt-Leuthen/bewilligung erlangen müssen/ auff ein gegentausch/dennach sie ihme die Verheurachtung zugelassen/ nummehr wolle man die oft erbottene verglichung auch nicht annehmen/ welches von Ampt-Leuthen zu Alzey / auß etlichen anzeigten Vhrsachen widersochten ; Hierauff ist von meinem gnädigsten Herrn Pfalz-Graffen Chur-Fürsten gnädiglichen zugelassen / daß ermelter Heuchelheimer der Graffschafft Falkenstein mit der

der Leibeigenschafft / gegen einem gleichmessigen Tausch / so
mein Gnädiger Herz von Falckenstein den Amptleuthen zu
Alzey an statt Ihrer Churfürstl. Gn. mit einem oder mehr
seiner Gnaden Leibeigenen in andern Herrschafften gessen/da
Pfaltz kein Obigkeit hat / oder mit denselben Herrschafften
derhalben nach unvertragen schwebt / thun soll / hinfürter cy-
gen vnd zusehen.

Vnd nach dem mein Gnädiger Herz von Falckenstein Anton-
in diesen nachfolgenden Irrungen / nemlich des Antoniters zu ter Hoff.
Alzey Hoffmann zu Ebersheim übertrieb / der Pfaltz Leib- mann u.
eigen / so zu Hartheim im Falckensteinischen Gericht wohnet/ berriech.
mit dem Viehtrieb / daß sie sich nicht erhalten könten. Pfaltz
Leibeige-
ne zu

Item / halte des Antoniters Hoffmann Seiner Gna- Hart.
den Jahrs drey Malter vnd ein Kompff Zins Korns inne heim.
sagt / seye Ihme zu geben verboten. Anton-
ter Hoff-
mann

Item / vndernehmen sich die zu Nittesheim vnd Nittels- Zins.
heim / nicht gen Falckenstein zu frohnen ; auch vmb gültlich Korn.
Tag vnd Handlung bittlichen angesucht; Ist beredt / das auff Nittes.
dem Tag zu Alzey / davon oben immittel des fünfften Klage- heimer
puncten meldung beschicht / des letzten stücks halb die Frohn Frohn.
zu Nittesheim vnd Nittelsheim betreffend / durch beyderselts
Ampt-Leuth vnd Zugeordnete ebener massen / wie daselbst ges-
mittelt / gültlich verhör vnd handlung / zu hinlegung derselben
fürgenommen werden soll. Aber die andern vorgehende Ir-
rungen / den Antoniter vnd sein Hoffmann zu Ebersheim bes-
langend/ derwegen soll durch beederseits Ampt-Leuth Tag für-
genommen / vnd zu hinlegung gehandelt werden; Wo sie aber
das in der güte nicht erheben möchten / vnd die Armen von
B ihrer

Ihrer forderung nicht abstecken würden/ alsdan zu erörterung
derselbigen allhie an der Pfaltz Hoffgericht / zu recht mit ein-
ander / vermög des nechst gegebenen Abschieds / in derselben
Sachen fürkommen.

Gerichts
Buch zu
Sultz.

Weiters so haben der Pfaltz Ampt-Leuthe nachge-
schriebene beschwerden / hievor auch klagweis angezeigt/
nemlich änderung des Gerichts-Buchs zu Sultzen / so durch
die Falckensteinische Ampt-Leuthe beschehen; Diaweil aber das
selb / wie die Pfaltzgräflichen Ampt-Leuthe jetzt selbst gestanden/
wieder in sein alten Buchstaben vnd Wesen gestellt worden ist/
so läst man es dabey beruhen.

Als in
Wons-
heim.

Zum andern/ Würden die von Wonsheim des über-
mäßigen Als haben / so von Falckensteinischen der ends ge-
braucht/ fast beschwehrt/ welches aber mein gnädiger Herr von
Falckenstein nicht geständig / mit anzeig / daß Seine Gnaden
den Als nicht anders / dann von alter Herkommen/gebrauchen.
Darauff ist beredt/ daß Sein Gnaden sich mit handlung vnd
besuchung des bemelten Als zimlicher massen erzeigen / vnd den
seinen befehlen / die Armen über gebährlich alt Herkommen
nicht zu belästigen.

Damit sollen Hochvnd Wohlbedelte meine gnädigste
vnd gnädige Herren Pfaltz-Graff Ludwig Chur-Fürst / vnd
Graff Weyrich von Falckenstein / für sich vnd Ihrer Gnaden
Erben/dieser obgeschriebenen Irungen/Wängel vnd Gebrechen/
mit einander gantzlichen gericht/geschlicht / vereinigt vnd vertragen
sein vnd bleiben / darwieder durch sich oder Ihrer Gnaden
Ampt-Leuthe nicht zu thun noch schaffen gethan werden / in kei-
nerley wege/ allerdings ohne gesehrde.

Diaweil

Dieweil dann dieser Vertrag in allen Puncten vnd Articulen / wie obgeschriben / von Uns Pfaltz:Graff Ludwigen Chur:Fürsten / vnd Graff Weyrichen von Falkenstein dermassen angenommen vnd bewilligt / So haben wir Pfaltz:Graff Ludwig Chur:Fürst vnser / vnd Wir Graff Weyrich vnser In: siegel / zu rechter vhrkund an diesen Vertrags:Brieff / deren zween gleichlautend / vnd jeder theil den einen behalten / thun hensencken. Geben zu Heydelberg / auff Donnerstag nach Bartholomaei / Anno Domini fünffzehnhundert dreissig vnd acht.



